



### BRANCH YMA SPORTS TAN A NI

**Chanmari West, September 18:** Ni 17.9.2011(Inrinni) Dar 9:15am  
khan Chanmari West Branch YMA Sport 2011 chu Jt.YMA Field,  
Vaivakawn-ah neih tan a ni.

Branch YMA in a lorel tawh angin Chanmari West Branch YMA memberte hlimtlang tak leh section hrang hrangte YMA tana kan thawh hona alo that theih zawk nan leh kan inpumkhat leh zual zawk nana

**Tunkar lo awm tur a Volleyball leh Basketball khelh dan tur Volleyball :- Zan Dar 8:30pm.**

1. Ni 19.9.2011(Mon)

Ch-Sect. Vrs T-Sect. (W)  
V-Sect. Vrs K-Sect.(M)

2. Ni 20.9.2011(Tue)

V-Sect. Vrs N-Sect.(W)  
T-Sect. Vrs N-Sect.(M)

3. Ni 21.9.2011(Wed)

V/N-Sect. Vrs K-Sect.(W)  
N/T-Sect. Vrs CH-Sect.(M)

4. Ni 22.9.2011(Thu)

**FINAL**

Winner1 Vrs Winner 3(W)  
Winner1. Vrs Winner 3(M)

**Basketball :- Zing Dar 7:00am.**

1. Ni 19.9.2011(Mon)

CH-Sect. Vrs K-Sect.

2. Ni 20.9.2011(Tue)

T-Sect. Vrs N-Sect.

3. Ni 21.9.2011(Wed)

Sport a buatsaih chu nimin khan Pu T.Ngurkhuma, President CWBYMA chuan a hawng a, he sport ah hian Section hrang hrangte Football, Volleyball leh Basketball hmangin an intihsiak dawn a ni.

CH/K-Sect. Vrs V-Sect.

4. Ni 22.9.2011(Thu)

**FINAL**

Winner 2 Vrs Winner 3

Volleyball leh Basketball Refree turin heng mite hi beisei an ni.

**1. Volleyball :-**

- 1) Pu F.Lalhmingmawia 'K'
- 2) Tv.PC.Lalhriatpua 'V'
- 3) Tv.Malsawmtluanga 'T'
- 4) Pu Lalduhawma 'CH'
- 5) Pu Laltnanmuana 'T'.

(Ni 19 - 22.9.2011 ah Indoor Stadium-ah khelh thin a ni ang)

**2. Basketball :-**

- 1) Mathew Lalfamkima 'CH'
- 2) Lalremruata 'K'
- 3) Lalnghakmawia Khiangte 'T'
- 4) Lalchhuanawma 'N'
- 5) Lalduhzuala Ngente 'V'

(Ni 19 - 22.9.2011 chhungin khelh thin a ni ang)

### Branch News

CM Running Trophy a mi tur hnam lam Indoor-ah zir chhoh mek a ni a, karleh khi chuan Sport kan neih dawn avangin zir loh tur a ni ang.

Central YMA in Ni 23.9.2011 zingara Half Marathon Race 21 kms an buatsaih turah, kan member Tv Laltharliana S/o S.Lalmama 'K' Section chu kan Branch aiawh turin a tel dawn a, a hlawhtlin ngei kan beisei.

Branch Executive Member Pu Lalnunsanga chu chhungkaw thilah Khuangthingah a zin mek.

### PEM LUT

Heng mite hi kan vengchhungah an rawn pem lut a, veng tana mi tha tak an nih chhoh zel kan beisei.

1. Tv Lalengmawia Mualpui atangin Pu R.Pakunga 'T' Section te In ah.
2. Pi Zonguri te chhung Karbi Anglong atangin Pu Peter LT Mawia 'K' Section te In ah.
3. Tv JF Lalhmangaiha te unau West Phaileng atangin Pu Malsawma 'K' Section te In ah.
4. Tv Hrangkapthanga te unau Khawpuar atangin Pu Saihnuna(L) 'K' Section te In ah.

### Hriattirna

Branch YMA-in memberte puala Infiamna hrang hrang Ni 17-24.9.2011 a a buatsaihturah vengchhung mi leh veng pawn mi tupawh chhungte boral tawh hriatrengnan emaw, dawr leh advertisement ti duh te tan sum leh pai thawh theih a ni a, hrechiang duh chuan Branch hruaitute hnenah emaw in hriattir theih reng a ni e.



### TUN KAR CHANGVAWN

Riltante tan i inphal a, tihrethehte i tihtlai baw chuan, i eng chu thim zingah a eng chhuak ang a, i thim mupna chu chhun ang a ni tawh ang: tin, LALPA chuan a hruai fo vang chia, hmun rovah pawh a tihtlai ang chia, i ruhte pawh a tichak baw ang; tin, huan tuia chawm ang leh, tuihna kang ngai lo ang i ni tawh ang.

Isaia 58:10 -11

## Editorial Board

### Editor

RK.Rozidinga  
9436142304

### Joint Editor :

RK. Malsawmkima  
9862578441

### News Editor

Tv. Thangkuma  
9862303135  
Pu Vanlalhluta  
9862366308

Tv. Vanlalfawna  
9856301975

### Cir.Manager

Johny Lalthanpuia  
9612359161  
Jacob Lalrinsanga  
9612319779

### Production

Manager  
R.Lalmachhuana  
9436151817

## Branch Office Bearer

### President

T.Ngurkhuma  
9436190843

### Vice President

R.Lalmachhuana  
9436151817

### Secretary

RL.Thanhnuna  
9436152760

### Asst. Secretary

K.Darthanthuanga  
9436196071

### Treasurer

C.Lalzarliana  
9436142049

### Fin.Secretary

Lalthuamluaia  
9612216649

### Advisers

Pi Zamanthangi  
Pu Vanlalsawma  
Pu Rothuama  
Pu Lalbiakthanga  
Khiangte

**Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlina kha hlen rawh. II Tim 4:5**

**Editorial :** Hun reitak atanga kan lo er leh memberte pawhin a kan chak em em Branch YMA in memberte tana a buatsaih Sport chu kan lo tan ta der mai. YMA memberte kan phurtlangin section lam pawhin nasa takin inbuatsaihna kan kalpui a, a chawlhkar mai pawh nilo a thla a thla teh meuh mai kan lo er lawk hi a lawmawm hle a ni. He infiamna hi YMA memberte kawng engkima kan thawhhona a lo that zawk nana buatsaih a nih avangin memberte pawhin kan hlut a thahnemngaitaka mahni section theuh te kan intawiamw tawn a duhawm hle a ni. He infiamna thianghlim kan neih hian keimahn theuh ah nghawng tha lehzuai nei theuh se, khawtlanga kan thawhna piahmah leh a tha lam hawia kan nun kaihruaitu ni thei se a tha hle ang. A hlawhtlinna chu memberte kutah a inngat takzet a, he Sport avang hian YMA-a kan thawhhona pawh tha lehzuai mawlh rawh se. He Sport chung mai nilo hun lo la kal lehzel turah pawh kawng engkimah chhianthi thatni leh Branch leh Section hnatlang thlenga pheikhai rual taka kan thawhhona hringchhuak ngei se tih hi Branch YMA chuan a duh takzet a ni.

### Article :

## KA VEI ZAWNGTE

- K. Rohlupua (Rote-a)

Ve khanglang a, in lo ti nghal mai ange. Khawngge kan thlasik nau kuah ve lawk teh ang. Chanmari West ah hian kum 10 vel awrh ka cheng ve tawh a, vei zawng han thai lang tur pawh ka ni ve in ka hria.

Chanmari West ah hian section hrang hrang Khuangchera Section, Taitesena Section, Chawngbawla Section, Vanapa Section, Neuva Section te awmin heng kan section hming put ho te hi mizo pa tlawmngai pasaltha hmingthang vek an ni a, an hnung hi kan zui ngei turah ka ngai a. A chhan chu kan section ah an hming kan put tir avangin tichuan kan veng bikah hian zunin khawlai a awm paruk a ni a, hengte hi a bul ami te theuh hian tihfai hna lo thawk mai tura beisei an ni.

Kan vengchhungah hian Electric Ban hi Khuangchera Section ah Ban ding zat 28 a ni a, Steet light hi 12 a in vuah. Taitesena Section ah Electric Ban ding zat hi 22 a ni a, Street Light 18 a in vuah a, Neuva Section ah Electric Ban hi 23 a awma, Strret Light 7 a in vuah baw, Vanapa Section ah Electric Ban 37 a ni a, Street Light 25 a in vuah a, Chawngbawla Section ah Electric Ban 19 a awm a, Street Light 6 a in vuah baw a. Hetiang hi kan veng electric chungchanga a lan dan chu a ni. Kan hotu

lian leh veng chhunga veng hmangaihtu te kha khawiahnge in awm zawh tak le? Keini Ak zat 2 pawh ni ve lo tan chuan hmalak tum dawn mah ila a lo harsa thin si a, kan vengah hian street light ng ava tlem ve! Tichuan Chanmari West ah hian pawl ding neuh neuh te pawh kan awmve niin ka hria a. Chungte chu:

**1. YMA, 2. CVTTP, 3. ZCC, 4. CWSC, 5. MHIP, 6. Mistiri Association 7. AMFU, 8. Pig Fed Assn, 9. Political Unit-te, 10. MUP, 11. BPL etc.**

Heng pawl ho zawng zwnge hian kan vengchhung tan tangrualin he veng hian vantlang (Public) mamawh enge ni ang tih ngaihtuahin veng hmasawna leh mamawh tur hi ngaihtuah ho thin ila, thla 3 danah joint meeting nei thin ila a van tha dawn em!

Khaw thenkhatah chuan Kohhran hrang hrang leh pawl hrang hrang te hian joint meeting an nei fo thin a sin.

Awle, ka vei zawngte hi a tha hle mai ti a tawp mai lovin zawm tlang theuh turin kan veng mipuite ka sawm a che u.

## Ni 14.9.2011 Central Coordination Committee (CCC) Meeting

YMA Committee sang ber Central Coordination Committee vawi 66-na chu Central YMA Hall, Tuikhuahtlang-ah neih ah hian 66th YMA General Conference 2011 Sub-Hqrs. YMA, Kolasib-a neih tur chungchang an ngaihtuah a, Sub-Hqrs., Group leh Branch atanga Agenda lo lut an thifim a, hengte hi chhawpchhuah nise an ti.

### YMA KHAWIH

1. Mizoram khawpui hrang hrang thlanmual intawm (Common Cemetery) kan neih theih nan Central YMA-in hma la rawh se.
2. Mizorama Project/Industry ah leh leilung hausakna haichhuah kawngah ram leilung faten a tam thei ang ber hamthatna an dawn theih nan Central YMA-in hma la rawh se.
3. Mizorama hnamdang dan lova sumdawngte hi YMA hian dapchhuah hna hi tun aia chak zawkin hma la rawh se.
4. Kan rama tuihna humhalh leh a awmsa tihpun zel a nih theih nan Central YMA-in hma la rawh se.

### SORKAR KHAWIH

1. Mizoramah zirna a lo that zawk theih nan thingtlang leh khawpuiah rualkhai thei ang berin zirtirtu, Sorkar-in siksawi rawh se.
2. Tribal hmeichhia Non Tribal pasal neite, an pasalte hnam vuan tura Dan (Supreme Court Ruling) awmsa hi Mizoramah khauh zawka kalpui nise, hnamdang Mizo hminga an hming thlak thinte hi ram leilungfate chanvo humhalh nan Sorkar-in khapna khauh takin siam rawh se.
3. School Academic Session tuna kan hman mek hi India State dangte tih dan milin April - March ah thlak ve ni rawh se.
4. Labour Law kan neih ang angte kenkawah kawngah Sorkar-in chak zawka hma la turin Central YMA-in ngen rawh se.
5. Mizoramah hmun remchang chuh a Baw khawh a khawper din thin hi a awm tawh lohna turin hmalak ni rawh se.

### KUMPUAN

1. Khawtlang Nun Siamthat
2. Ram leh Hnam Humhalh

(Source CYMA Webpage)

**NEUVA**

☞ Zirtawp zan khan Section Jersey thar Merge Computer Centre Sponsore tlangzarhna leh Branch Sports 2011 memberte intihhlina leh thawhhona a that zawk theihna atana buatsaih a nih thu leh thianghlim taka Players te khel tura in fuih tharna Pasaltha Neuva Inah neih a ni.

☞ An Fin.Secy.Pu.Vanlalhlutan Section Jersey fit that ( thui tet ) man a tum chu an lawm hle.

☞ An hruaitu Tv.Lalhmingsanga Pautu in Football Keeper Glove thar tha tak Section atan arawn pe a an lawm hle.

☞ An hruaitu Pu.Lalnunsanga khuangthinga zin chu damtaka a lo haw leh thuai an duh.

☞ Heng mi in phalte hian Section -ah sum fai anrawn pe a, an chungah an lawm hle.Tv.Lalthanzama (Bial 4-na) Rs.1000/- Pu.Zothansanga Tochwawng Rs.1000/-

☞ Vawiin tlai dar 3:00 hian Volleyball leh Basketball-a Section aiawha tel tur zawng zawngte Pasaltha Neuva Inah kimtaka kal khawm vek tur a ni .

☞ Nimin khan Branch Sports – 2011 chu Vaivakawn Field-ah khelhtan a ni ta a, member Players tawiawm tute leh Section aiawha tel zawng zawngte chungah lawmthu an sawi

☞ An member leh hruaitu tangkai tak lo ni tawh thin Pu.Laltlanzovan Khuangthing Primary School-a zirtitu hna a hmu thar chu an lawmpui hle.

☞ Tunlaiin Vengchungah ruk ruk a hluar hle a, chhungtinte beng chhi tur leh fimkhur turin an inchah.

**TAITESENA**

☞ Ni 16.9.2011(Ninga) zan khan meeting pawimawh tak neih a ni a, thu pawimawh tak tak rel a ni.

☞ Tv.Lalremruata (Nova)S/o Vanlalrova chuan Sport- na a a tul apianga hman atan ` 1000/- a pe a, a chungah lawmthu an sawi takzet a ni.

☞ Hruaitute Sport na atana chanvo hrang hrang kan insem te ti hlawhtling theuh turin an in ngen a memberte pawh section aiawha inkhelte tawiawm theuh turin an in ngen.

☞ Volleyball leh Basketball players te inkhelh hun taka khel thei tura kal theuh turin an in ngen.

☞ Zawlbuk Fund khawn chhunzawm mek a ni a, chhungtinte tlawmngaia lo pek tum theuh turin an

in ngen.

☞ ZONUN DRUG STORE (Indoor pan thlakna bul) in section players te tan First Aid Kit an pe chu an lawm hle.

☞ Vaivakawn road chhukthla kawngpui ko hnim mahni inbul lo samfai tute chungah lawmthu an sawi a, midangte pawh ti zel turin an in ngen bawk.

☞ Naktuk Thawhtan zan hian kan section hmeichhia ten Indoor-ah Vooleyball an khel dawn, memberte' n i tawiawm theuh ang u.

**VANAPA**

☞ Zirtawp zan Pu Gordon Zosaangliana te inah Football 'B' Team te leh hruaitute inhmukhawnma neihani.

☞ Basketball Players te Pu Lalnunhlina (Hlimentawia) te inah vawiin dar 12:00 ah inhmukhawnma neih tur a ni a, kal ngei tur a ni a kal lo te chu an tel lo a nih pawn an sawisel thei lovang.

☞ Pu T. Lalremliana'n Branch Sports chhung atan Centre Fresh arawn tum a an lawm hle.

☞ Zawlbuk Fundrawn khawn mek ah chhungtinten tha takarawn khawn ang ang te min lo pek avangin section in chhungkaw tin chungah lawmthu a sawi takzet a ni.

☞ Ni. Lalramengzami Mumbai lama in check up pawh dam taka arawn haw leh thuai an beisei.

☞ K- Section lama Section Nu Pi Zamveli a in sawn chu an ui hle.

**KHUANGCHERA**

☞ Branch Sports neih meka section aiawhtuten taima taka inpuahchahna an neih avangin lawmawm an ti hle. Section aiawha kheltute zawng zawngin Branch duh dan ang a, kawng engkima YMA member-ten thawhhona tha zawk kan neih theih nan uar taka inzirtir a ni a, zawm tlang ngei tur a ni tih hre theuh turin an inngen.

☞ Branch Sports neih mekah nu leh pate tawimawmna an beisei.

☞ Player-te ei leh in tumsaktu zawng zawng chungah lawmthu an sawi a, a thawh zel duh tan pawh thawh theih reng a ni.

☞ Pi Zamanthangi, bialtu counsellor chuan section hnenahvolleyball, football, volleyball net a pe a, a chungah an lawm hle.

☞ Pi Zalianmawii (Seni) chuan a pasal Pu Raldoliana lungphunnaah section

a ngen angin a tul ang an buaipui.

☞ Chhungkaw tin mahni in leh a vel vawng fai turin an ngen thar leh.

**CHAWNGBAWLA**

☞ An member Pu Laldingliana (Madinga) 'Sarah Fashion' dawr neitute chuan section tan Jersey mawi tak anrawn pe chu an lawm hle.

☞ Nimin lama YMA Sport thawhkhatna a member tlawmngaia thawkchhuak te chungah leh section tana hah taka inkhel zawng zawngte chungah lawmthu an sawi a, hundanga sport neihna turah pawh tel zel turin an in hriattir.

☞ Naktuk zing Dar 7 ah hian kan veng Basketball court ah Section team te leh KHuangchera Section te an inkhel dawn a, a thei thei tawiawm turin an in hriattir.

☞ Pi Lalthianghlimi (56) ruang Zawlnuam panpui tur chu an section a Pu C.Liankhuma In ah chawlhpuini ni kuang mawi taka thlahliam nghal a ni.

☞ An hruaitu Pu Tlangdingliana chuan a pakhatna atan fapa duhawm tak a nei chu an lawmpui hle.

☞ Pi Zami te chhungin an in chungawl section thutthleng rawng hnawih nan leh hun rei tak dah nana an hmantir chu an lawm hle.

☞ Zawlbuk Fund khawn mek zel a ni a, phaltaka petu te zawng zawngte chungah an hlawn hle a, mi thahnemngai te zarah tunah hian ` 32,350/- hmuh tawh a ni.

☞ Pu R.Thansanga (RTS) te chhungin kuang siamte thingpui leh a hmeh tuitak anrawn hlui thin chu an lawm hle.

☞ Pu Pu Lalnunthara Sailo 'Gemini Enterprise' neitu chuan a khawl leh a bungruate a tul hun apiangah hman a phalsak thin chu an lawm hle. Section chhungah chhiattaw an awm apiangin Kros-ah hming a thlawn liau liau in a ziaka a belsak thin chu an lawm em em bawk.

**ZCC NEWS**

☞ Ni 14.9.2011(Nilai) zan khan Assam Rifles, Khatla ah programme neih a ni a, member 23 an thawkchhuak.

☞ Ni 20-21.9.2011 chhung hian Sang Sang Drama programme te Silchar-a kal turin an in buatsaih mek.

☞ Ni 23.9.2011 a Anthurium Festival Reiek-a neih turah Bualpui Cheraw entir turin an in buatsaih.

☞ Club member zawng zawngte YMA lamzir ngaipawimawh turin an in hriattir.



- T-a

## Tawngmang si lo maw Messi...!!

An khuua pa hausa fapa ni ta se, Barcelona-in Spain-a pem a, football zirna hautak deuh maia lut tura an sawmna kha "Aw" a ti lo mai thei. Rosario khuuah eng youth team emaw tan a khel ang a, club lian takah a lut ang em tih zawhna lian tak a awm thei. Aizawl thleng thleng hian Lionel Messi kan ti kan ti lo mai thei ?

Mahse, kum 13 mi, Argentina kawr haa World Cup khelth tum, khawsak awlsam tawh lohna leh taksa lam natna benvawn nei mek Messi chuan a talent tipung turin a la hmuh ngai reng reng loh ram hla taka pem a thlang ta zawk a, nakkina chanvo tha a thlir avangin.

A thiante nen an tualzawlah an inkhel a, football player tha zawnga feh chhuak Barcelona chuan Argentina naupang talent nei tha tak inkhel lai an hmuhin khaw dang an hawi thei tawh lo. Naupang dang ang lo takin natna khirh takin a taksaah bu a khuar tih an hriat chian hnu pawhin, chu naupang atang chuan rangkachak khur an beisei tlat a, a chhiat theihna lai zawng zawng aiin a thatna tur an thlir len zawk avangin inhuamna sang tak nen an dawr ta a.

Spain-ah chhungkuua pem an duh phawt chuan, La Masia (Barcelona academy, tunlaia football academy tha bera ngaih)-ah senso ngai lovin a inzir ang a, an chhungkuain hamthatna dang an dawn phah baw ang.

Argentina naupang hi an lak theihna tur a nih phawt chuan Barcelona-in tangka leh thil dangah tanpui an intiam. Messi hian a thiante tawrh ve loh harsatna ruk a nei a, hetih hun lai hian naupang dangte anga tlawntlai tha taka sei lian a, puitling tura beisei ngam a harsa viau.

A taksa than lenna tur kawngah tlakchham a nei a, a than tithu thei natna a kawh reng. Professional footballer ni tura buatsaihtu a nu leh pate chuan an fapain a taksaah harsatna a nei tih an hre Chiang em em a, hlauthawng taka nitina a che vel an thlir laiin, mi dang pawl pha lova a 'budelh' a nih mai chuan a hma lam huna khawthlir an neih zawng zawng kar lova boruakah a thamral dawn tih chu hrih hriat hran an ngai lo.

An tan damdawi hmanga inenkawlina senso a hautak si a, hei tak mai hi Barcelona chawchah hnial harsa tawp chu a ni ta a ni. An hnena Messi a inzir a nih phawt chuan a thlawna zirtirna an pek bakah, damdawi thiam zawkte hmangin a taksa an enkawl ang a, senso zawng zawng club-in a tum vek ang tiin Messi mai ni lovin a nu leh pa an thlem tel ngahal.

Khaw lian lem lo tak Rosario-a

chhungkaw khawsak pangngai ve mai tan chuan Barcelona thlemna hnar chu thil harsa tawp a tling. Kum thum mi lek a nih lai atanga football nen inzawmna mak tak nei tawh; kum kaw mi a nih laia a thiante zinga ball a khalh kual vel dan mak leh thiam danglam bik em em mai chu; tuipui ralah chhungkhat laina pawh an neih lohna hmuna an pempui ta a, nakkina a chan tur an thlir avangin.

A lo puitling ta a; pa lian a ni lo; mahse, pa lian bula langsar a ni zawk. Awmkhauh tak, nghet tha zet, ke rang em em, a chep zawh poh leh a thiamzia hmuh fiaha awm thin; thlah fal vaih chuan hmeichhe awm tha duh lo ang maia pawh khawih hman ziah.

Goal khung thei bik; siam chhuak thei; ball pet thiam; ball tlanpui thei chungchuang; chan beh theih lova tei kual reng; khawi lai hmuna a awm pawha ngaihven ngai, hual beh avanga dan theih chuan loh, mi pakhatina bitum chi miah si loh; ball a chan tawha chhuhsak harsa em em, a chan loh laia tihnat ngawt chi ni baw si lo.

Kum 24 mi, leh lam tana sahar hlawm; rang tak taka peta chak em ema tlanpui, inher leh chevel awlsam zet, ball nena lim kawi zawk zawk thin; mi nazawngin an la pet ngam lohna hla deuh hlek atang pawha a kuak hleka ri pawp hman; tlan laklawk eng ang pawh ni se nghak khawtlai lova hlauhawm taka pet mai thin; kang luaha chhuih khat em em a ni a, engtia ven chi tak ni ang maw ?

A inkhel en chakin Mizote pawh Kolkata thleng thlengin an chhuk a, football hrethiam tu fain nge a inkhel lai a hmuna en chak lo awm ang ? Argentina team-ah khawvela player tha mi dang pawh an awm vei nen, Bengali-ho ngat phei chuan amah chiah an buaipui.

An training lai pawhin ama che tla ringawt thla lain chanchin tharah an ti chhuak a, a thiante nen ball an inpek kual lai pawhin a chan ve leh an au dur dur. Khelmuala venhim hna thawktu police-te pawh an bang lo; inkhel tura a lo chhuah laiin an hna ngaituah lovin an cell-phone-in a hmahmaah tak thla an laksak siah siah a, a bul lawka a thiante erawh tu mah an hre chang lo. Indian fan thenkhat phei chuan heti hian an sawi "Football Pathian" an ti.

Messi hian harsatna pakhat a nei; khawvela footballer ropui bera chhal dun Pele, Diego Maradona-te huanga dah harsa tihna chhan a la awm. Argentina tanpua trophy lian pakhat tal a lak hun chuan khawvela ropui ber ang hiala sawi zui pawh a ni mai thei; a chhan chu hmabak thui tak la neia ngaih a ni a, eng nge thleng zel dawn a hriat loh.

### HETAH HIAN SMS LA

>>9774170328<<

Br.YMA in memberte tana infiamna a buatsaih hi a lawmawm takzet a, sport na mai lo YMA thil tih na hrang hrangah hetiang hian phurtakin tang tlang zel ila kan veng hi a va nuam dawn em.

986201\_\_03

(SMS kan dawn te hi Ed. Bd ngaihdan a ni vek kher lo)

### Organising Committee Br.YMA Sport 2011

Volleyball leh Basketball Refree -a ruat te hi Incharge te nen match an conduct hun tur lo insiamrem tura tih an ni.

Inkhelh tan hun tarlan a turn-up hman lo chu disqualified tur an ni ang a, Rules and Regulation hi Match official te leh Incharge te kutah a awm ang.

Rokhawlhna dang a awm a nih loh chuan tunkar lo awm tur Ni 22.9.2011 (Ninga) zan hian Organising Committee te Pu C.Lalzarliana In (CH-Section) ah committee neih tur a ni a, committee member zawng zawngte hunawl lo insiam turin an in ngen.

### RUANG CHHUAK

Pi Lalthianghlimi Kum 60 Zamuang khua chu, Ni 16.9.2011 khan Civil Hospital-ah a boral a, a ruang hi Pu C.Liankhuma te In 'CH' Section atangin thawn chhuah a ni.

### HOSTEL ADMISSION OPEN

**Fred-bee  
Hostel & Tuition Centre,  
Zotlang, Aizawl.**

\* Mattress provided  
\* Separate locker, etc.  
Night Hostel available  
Experience Maths teacher in  
Providence School.  
Experience Science teacher in  
Mt.Carmel School.

Contact :-  
9436152297/9862325133

### TAILORING

Hmeichhe thawmhnaw chitin  
thuina hmun.

LR Chawngthu Boutique,  
Cahnmari West, Aizawl.  
(Kawipui bul, Opposite Damdiai  
Sarep Dawr)